



**РЕЗИН ЭДЛЭЛ ХУДАЛДАХ,
ХУДАЛДАН АВАХ ГЭРЭЭ**

2017 оны 04-р сарын 14-ны өдөр

№ 2-4-185/17

Улаанбаатар хот

Ерөнхий зүйл

Нэг талаас “Дулааны Гуравдугаар Цахилгаан Станц” Төрийн өмчит хувьцаат компани /цаашид “Захиалагч” гэх/-ийг төлөөлж Тэргүүн дэд захирал, Ерөнхий инженер Ү.Төмөрхуяг, нөгөө талаас “НОВАТЕК ИНТЕРНЭШНЛ” ХХК /цаашид “Нийлүүлэгч” гэх/-ийг төлөөлж Ахлах менежер Ж.Буянхшишиг нар Монгол Улсын Иргэний хууль, Төрийн болон Орон нутгийн өмчийн хөрөнгөөр бараа, ажил, үйлчилгээ худалдан авах тухай хууль, “Дулааны Гуравдугаар Цахилгаан Станц” ТӨХК-ийн Үнэлгээний хорооны 2017 оны 3-р сарын 21-ний өдрийн хурлын М-13/02-2017 тоот тэмдэглэл, Үнэлгээний хорооны М-13/23/2017 дугаар Зөвлөмжийг үндэслэн эрх тэгш, харилцан ашигтай байх зарчмыг баримтлан энэхүү гэрээг байгуулав.

Нэг. Гэрээгээр нийлүүлэх зүйл, нөхцөл

- 1.1 Нийлүүлэгч нь “Резин эдлэл” /цаашид “бараа” гэх/-ыг энэхүү гэрээний салшгүй хэсэг болох нэгдүгээр хавсралтанд заасан нэр төрөл, нэг бүрийн үнэ, техникийн үзүүлэлт, стандартын дагуу СИП-Улаанбаатар “ДЦС-3” ТӨХК-ийн агуулах нөхцлөөр нийлүүлнэ.

Хоёр. Нийлүүлэх хугацаа

- 2.1 Нийлүүлэгч нь барааг 2017 оны 05-р сарын 15-ны өдрийн дотор нийлүүлнэ.

Гурав. Үнэ, төлбөрийн нөхцөл

- 3.1 Энэ гэрээний нийт үнэ **92.999.885,00 /Ерэн хоёр сая есөн зуун ерэн есөн мянга найман зуун наян тав/-н төгрөг бөгөөд үнийн дүнд гааль, онцгой татвар, УБ “ДЦС-3” ТӨХК-ийн агуулах нөхцлөөр тээврийн зардал, НӨАТ бүгд шингэсэн байна.**
- 3.2 Гэрээт барааг бүрэн нийлүүлж гэрээний дүгнэсэн акт батлагдсаны дараа төлбөрийг ажлын 30 хоногт багтаан бүрэн төлнө.
- 3.3 Захиалагч нь гэрээний үнийн гүйцэтгэлийн баримт бичгийг үндэслэн төлбөрийн нэхэмжлэлийн дагуу Нийлүүлэгчийн дансанд шилжүүлнэ.

Дөрөв. Талуудын хүлээх хариуцлага

- 4.1 Нийлүүлэгчийн буруугаас бараа нийлүүлэх гэрээнд заасан хугацааг хожимдуулснаас тоноглолын засварын хугацааг сунгах, хэрэглэгчдийг эрчим хүчээр тасалдуулах, хязгаарлахад хүрсэн бол үүнээс үүдэн гарсан хохирлыг Нийлүүлэгч нь Захиалагчийн өмнө бүрэн хариуцна.
- 4.2 Нийлүүлэгч нь гүйцэтгээгүй үүргийн үнийн дүнгийн 0,3 хувьтай тэнцэх алдангийг Захиалагчид хоног тутам төлөх ба гэхдээ нийт алдангийн дүн нь гэрээний үнийн

дүнгийн 25 хувиас хэтрэхгүй байна. Алданги тооцож эхэлсэн тухайгаа Захиалагч нь Нийлүүлэгчид мэдэгдэнэ.

- 4.3 Захиалагч нь барааны бүрэн бүтэн байдал, техникийн үзүүлэлт, шаардлагад тохирч байгаа эсэхийг шалган үзээд хүлээн авсны дараах төлбөрийн хугацааг хожимдуулбал төлөгдөөгүй үнийн дүнгийн 0,3 хувьтай тэнцэх алдангийг Нийлүүлэгчид төлөх ба алдангийн дүн нь гэрээний үнийн дүнгийн 25 хувиас хэтрэхгүй байна. Алданги тооцож эхэлсэн тухайгаа Нийлүүлэгч нь Захиалагчид бичгээр мэдэгдэнэ.
- 4.4 Нийлүүлэгч нь гэрээг хэсэгчлэн болон бүрэн биелээгүй тохиолдолд энэхүү гэрээний 4.1 ба 4.2-т заасан хариуцлагаас Нийлүүлэгчийг чөлөөлөхгүй.

Тав. Бараа, бүтээгдэхүүний чанар, сав, баглаа боодол

- 5.1 Нийлүүлэгчийн нийлүүлэх бараа нь Олон улсын болон Монгол Улсын стандарт, техникийн нөхцөл шаардлагыг бүрэн хангасан байна.
/Нэгдүгээр хавсралтанд техникийн нөхцөл, тендерийн баримт бичигт заасан техникийн үзүүлэлт, стандартыг үзүүлэв/
- 5.2 Нийлүүлэх бараа нь 2016 оноос хойш үйлдвэрлэсэн, хадгалалтын үед хийгдэх үйлчилгээ хийгдсэн байх, баталгаат хугацаа ашиглаж эхэлснээс хойш 6 сар байна.
- 5.3 Бараа нь тээвэрлэлт, хадгалалтын үед эвдэрч гэмтэхээс бүрэн хамгаалсан сав, баглаа боодолтой байна.
- 5.4 Барааг Захиалагчид хүлээлгэн өгөх үед энэхүү гэрээгээр тодорхойлсон шинж чанарт нийцэж байвал зохих бөгөөд цаашид технологийн горим, зориулалтын дагуу ашиглах хугацаанд мөн чанараа алдахгүй байх ёстой.
- 5.5 Нийлүүлсэн барааны чанарт ямар нэг дутагдал илэрвэл түүнийг засах, сольж өгөхийг Захиалагч шаардах ба Нийлүүлэгч уул шаардлагыг биелүүлэх үүрэгтэй.
- 5.6 Барааны баглаа, боодол дараах байдлаар хаяглагдсан байна.
- Гэрээний дугаар
 - Барааны нэр
 - Хүлээн авагчийн хаяг
 - Ачаа илгээгч
- 5.7 Барааг дараах бичиг баримт дагалдана.
- Савлалтын хуудас 3 хувь
 - Чанарын гэрчилгээ 3 хувь
 - Барааны гарал үүслийн гэрчилгээ 3 хувь

Зургаа. Давагдашгүй хүчин зүйлс

- 6.1 Гэрээг хэрэгжүүлэх явцад улс төрийн хориг, байгалийн гамшиг, хорио цээр тогтоох, цэргийн үймээн, төрийн эргэлт, ажил хаялт болон бусад нөхцлүүд бий болсноос үүдэж гэрээний нөхцлүүд хэсэгчлэн буюу бүрэн биелээгүй тохиолдолд хоёр талын аль ч хариуцлага хүлээхгүй.
- 6.2 Давагдашгүй хүчин зүйлийн нөхцлүүд гарч эхэлсэн тохиолдолд 10 хоногийн дотор талууд бие биедээ бичгээр мэдээлж цаашид хэрхэн ажиллах талаар зөвлөлдөнө.

Долоо. Гэрээг цуцлах журам

- 7.1 Нийлүүлэгч нь бараа нийлүүлэх хугацааг энэхүү гэрээнд зааснаас 14 хоногоор хэтрүүлсэн тохиолдолд Захиалагч гэрээ цуцлах тухай мэдэгдлийг Нийлүүлэгчид албан ёсоор бичгээр өгнө. Нийлүүлэгч нь уг мэдэгдлийг хүлээн авснаас хойш 7 хоногийн дотор зохих хариуг өгч тодорхой арга хэмжээ авахгүй тохиолдолд Захиалагч нь гэрээг дангаар цуцлана.

7.2 Нийлүүлэгч нь энэхүү гэрээгээр хүлээсэн үүргээ удаа дараа буюу ноцтой зөрчсөнөөс бусад тохиолдолд Захиалагч нь энэхүү гэрээний үйлчлэлийг дуусахаас өмнө тасалдуулахгүй.

Найм. Бусад нөхцөл

- 8.1 Талууд аль нэг нөгөөдөө гэрээтэй холбогдох мэдээлэл солилцох тохиолдолд мэдээллийг авсан тал хуанлийн 7 хоногт багтаан нөгөө талдаа тавьсан асуудлаар тодорхой хариу өгнө.
- 8.2 Талууд аль нэгнийхээ зөвшөөрөлгүйгээр энэхүү гэрээг гуравдахь талд шилжүүлэхийг хориглоно.
- 8.3 Гэрээг монгол хэл дээр 3 хувь үйлдэж Захиалагч 2 хувийг, Нийлүүлэгч 1 хувийг авах бөгөөд хувиуд ижил тэгш хүчинтэй.
- 8.4 Гэрээнд хоёр тал гарын үсэг зурсан өдрөөс эхлэн хүчин төгөлдөр байна.
- 8.5 Хуулинд заасан нөхцлөөр гэрээнд талууд харилцан тохиролцсоны үндсэн дээр бичгээр үйлдсэн гэрээний хэлбэрээр нэмэлт өөрчлөлт оруулж болох бөгөөд эх хувьд баллаж засварласан буюу гараар нэмж бичсэн болон бусад энгийн аргаар хийсэн аливаа оруулга, засвар, нэмэлт бичилтийг хүчинтэйд тооцохгүй.
- 8.6 Энэхүү гэрээнд шууд заагаагүй бусад аливаа асуудлыг Монгол Улсын хүчин төгөлдөр мөрдөж байгаа хууль тогтоомжийн дагуу шийднэ.
- Энэхүү гэрээ нь үндсэн 3 хуудас, хавсралт 1, хуудас нийт 4 хуудаснаас бүрдэнэ.

Ес. Талуудын хаяг:

Захиалагчийн хаяг:

Хан-Уул дүүрэг, 3-р хороо
"ДЦС-3" ТӨХК-ийн байр
Утас: 341990, 344111
Банк: ХХБ Богд Хан салбар
Төгрөгийн данс: 406001038
Утас:

Нийлүүлэгчийн хаяг:

Баянгол дүүрэг, 2-р хороо
Гранд плаза цогцолбор,
РД: 2715376
Банк: ХХБ
Төгрөгийн данс: 405008206

ГЭРЭЭ БАЙГУУЛСАН:

ЗАХИАЛАГЧИЙГ ТӨЛӨӨЛЖ:

"ДЦС-3" ТӨХК-ИЙН ТЭРГҮҮН ДЭД
ЗАХИРАЛ ЕРӨНХИЙ ИНЖЕНЕР

..... /У.ТӨМӨРХУЯГ/

ХАНГАМЖИЙН ХЭЛТСИЙН ДАРГА

..... /Б.ЭРДЭНЭ/

СБХ-ИЙН ДАРГА

..... /Л.ДОРЖХОРЛОО/

СБХ-ИЙН ЕРӨНХИЙ НЯГТЛАН

..... /Ч.ЧУЛУУНЧИМЭГ/

ХХ-ЫН АХЛАХ ИНЖЕНЕР

..... /Б.БИЛГҮҮДЭЙ/

ГЭРЭЭНИЙ МЭРГЭЖИЛТЭН

..... /Г.БАТНЯМ/

ХУУЛИЙН МЭРГЭЖИЛТЭН

..... /Ч.ЭНХЗУЛ/

НИЙЛҮҮЛЭГЧИЙГ ТӨЛӨӨЛЖ:

"НОВАТЕК ИНТЕРНЭШНЛ" ХХК-ИЙН
АХЛАХ МЕНЕЖЕР

..... /Ж.БУЯНХИШИГ/



Тоот гэрээний 1-р хавсралт

Резин эдлэлийн нэр төрөл, тоо хэмжээ, үнэ

№	Нэр төрөл	Барааны тодорхойлолт	Тоо ширхэг	Хэмжих нэгж	Гарал үүсэл	Нэгж үнэ	Нийт үнэ
1	Конвейрийн ремень	650 мм	24	м	ОХУ	148 800,00	3 571 200,00
2	Конвейрийн ремень	1000x5 мм 2ЛТА	300	м	ОХУ	115 600,00	34 680 000,00
3	Конвейрийн ремень	1200x5 мм 2ЛТА	100	м	ОХУ	139 000,00	13 900 000,00
4	Конвейрийн ремень	1600x5 мм 2ЛТА	100	м	ОХУ	223 100,00	22 310 000,00
5	Шнур резин	φ-10 мм	52	м	ОХУ	6 400,00	332 800,00
6	Пальцны круг резин	φ-50	30	кг	ОХУ	5 300,00	159 000,00
7	Пальцны резин	68x38x72	88	ш	ОХУ	5 300,00	466 400,00
8	Пальцны резин	20x18x30	48	ш	ОХУ	5 300,00	254 400,00
9	Техникийн эсгий	Стандарт	430	кг	ОХУ	11 000,00	4 730 000,00
10	Техникийн резин	ТМКЦ 6-3 мм	180	кг	ОХУ	3 150,00	567 000,00
11	Техникийн резин	ТМКЦ 6-4 мм	282	кг	ОХУ	3 150,00	888 300,00
12	Техникийн резин	ТМКЦ 6-5 мм	465	кг	ОХУ	3 150,00	1 464 750,00
13	Техникийн резин	ТМКЦ 6-8 мм	50	кг	ОХУ	3 150,00	157 500,00
14	Техникийн резин	ТМКЦ 6-10 мм	160	кг	ОХУ	3 150,00	504 000,00
15	Түүхий резин	Стандарт	50	кг	ОХУ	11 200,00	560 000,00
ДҮН							84 545 350,00
НӨАТ							8 454 553,00
НИЙТ ҮНЭ							92 999 885,00

ХХ-ийн инженер  Д.Алтан-Эрдэнэ

ЗАХИАЛАГЧ:



НИЙЛҮҮЛЭГЧ:

